


docriver 文川网  
古籍书城  
入驻商家  
在文川网搜索古籍书籍 获取更多电子书

中國方志叢書·華北地方·第三三三號

據 清·王烜纂修 清·乾隆十一年修 民國重印本 影印

甘肅省

# 靜寧州志



成文出版社有限公司印行

skk/09



\*10098582\*

中華民國五十九年二月壹一版

# 靜寧州志

全一册

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市羅斯福路三段279之二號

電話：三三〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

序

郡之有志猶國之有史所以紀往昭來也其徵事也貴約而能詳其遺辭也貴贍而有則使觀者鑑前考後較若列眉斯足稱一邑之法守矣我

朝

列聖相承

重熙累洽百餘年來仁漸義摩雖窮鄉僻壤皆克鼓舞而振興之信乎道德一

風俗同車書之盛振古所未有也是以往歲我

聖天子特命儒臣纂脩

大清一統志頒示中外永著章程凡爲民牧者固已敬受而詳讀之矣然形勢

序

蘭州俊華印書館排印

docsriver 文川网  
入驻商家 古籍书城

在文川网搜索古籍书城 获取更多电子书

封疆雖歷世不改而變通廢置或與時偕凡教化薰陶人文奮起凡忠孝節義可以坊表一世傳示來茲者今亦何異於上云耶此郡志之續修所以必有待於繼事之人歟顧其中亦有難焉者昔楊子雲之紀方言也懷鉛提槧遇而輒書用力之精專可謂至矣而論者猶謂其時多繆漏不免爲琬琰之瑕宋子京之修唐書也其自言曰事增而文省乃字晦句濇鬱而難明後之人更不無遺議焉則志之修也豈可易言哉蓋志也者固亦史之流也無其識則不足以分別得失無其才則不足以提挈綱領無其學則不足以起例而發凡信今而傳後三者有闕則高言何由止於衆人之心乎今靜寧王牧之續修州志也山川賦役風土人物皆能詳明該備而取閱之若者宜

於古若者宜於今若者爲休養所致若者爲教育所成嗚呼是豈徒細書莊刻供案頭之把玩已哉蓋

國計民生將於是乎在矣爾州牧尙勿失此意焉可也

皆

乾隆十一年丙寅歲仲冬既望署理臨洮道兼管通省驛傳事務按察使司

副使遼海張廷杖撰

新在青室少元身一



序

扶輿磅礴之氣峙而爲山嶽流而爲河海發而爲人物其間靈者蠢者秀者  
頑者良者楛者莫不類聚羣分以呈造物化工之異因是家有乘國有史里  
有志要皆萃蒼羣奇以備弈世之博覽志之彷彿乘而作也事綦重哉余宦  
遊甘省十載於茲嘗往來秦隴間憑眺山水人物曠然遐思以爲天地清淑  
之氣所聚丙寅春奉

簡命由五涼調守高平視事後州牧例得進志公餘披覽見其疆域建置賦役  
及官師選舉諸篇類皆原原委委縷晰條分縉成斯編者廼前牧奉天澹園  
黃公也公誠賢矣哉越三月觀風十城閱縣寧卷拔其尤者生童得若干本

序

蘭州俊華印書館排印



蓬蓬勃勃曠如奧如因嘆山水之秀蔚爲多士志之所傳殆不虛茲於小陽  
下浣州牧王君復以續修州志賚兼請問序余思司馬氏爲太史得窺金匱  
石室之藏然必涉沅湘登九嶷溯洞庭探禹穴窮覽異書始得上下千百年  
之事余夙鄙士也何能文顧辨方輿土問俗考風輿有責焉爰是不避卑陋  
搦管而記其概思夫作志於志方作之日創例爲難作志於志既作之後備  
體則易然前之難者非易而後之易者愈難何也非居平究心政治革興之  
故不過守其舊編否則襲其往迹卽或標奇立異推陳出新非舛駁則疎漏  
無取焉故曰難也今觀疆域建置賦役及官師選舉諸篇與夫發凡起例記  
表繪圖尤皎若列眉焉以視黃公作不誠後先輝映乎迨閱義學新渠養濟

院三條雖踵祝黃二公之跡而酌古準今宜民善後非同因陋就簡蓋由居  
平究心政治革興者久故創建貽謀規模非隘余忝居表率弗克補偏救弊  
爲十城先覩斯志也竊滋愧已然其綿山嶽之秀接河海之靈長人物之盛  
俾數十傳而因革損益美善加詳以爲一邦信志也更厚望於良牧之繼起  
者

皆

乾隆十一年歲次丙寅黃鐘月上澣

中憲大夫知甘肅平涼府事粵西歐陽永禱蘭畦氏撰

序

蘭州俊華印書館排印

系在青空 少云身一

口

續修靜寧州志序

攷志乘之作固仕路之先資文人之外廐也或輜軒問俗藉以諏謀或攬轡登車廣其咨詢而博通之士搜羅所及亦不廢丹鉛其善者往往與信史相埒誠非風雲月露之文所可同年而語也第誇多者失之浮務簡者失之略而州邑之志又每義例雜揉私心自用考據無實鄙陋遺譏則不但浮與略而已此宋敏求康對山長安武功二書所以獨見稱於世也甲子之春余捧檄入秦歷函關經太華而至京兆俄焉渡咸陽而西道古幽陟涇原過北地郡遂越六盤以至隴干蓋六盤以東氣象萬千六盤以西川原迴別此隴干所以爲山外首衝也征車甫下卽按其山川考其圖籍知斯州固宋時用武

序

之地明時隸籍軍衛頗稱殷庶迨其末年以饑侵寇攘遂至凋敝

本朝以來戶口漸滋土田日闢近較三十年前又加色起蓋熙皞之民幸生無事之日休養生息沐浴膏澤於

聖世者已相忘於百年之久也已爰思前牧黃公所纂州志迄今又三十載其疆域山川官師人物選舉諸類又有變遷而損益者因規本前志重加修輯文從其質事取其該義例考據悉以通志爲斷豈敢云踵事而增華亦聊以存一州之典故使蒞茲土者得以取資而學士聞人登臨懷古者或間一寓目云爾抑斯州之志幸有黃公作述於三十年之前而余得纂續於三十年之後倘再越世而更有好事者復爲編輯則必愈增備美不然雖以敏求之

長安對山之武功以云稽古則得矣以云稽今則未也因并書之以告來者  
皆乾隆丙寅春錢塘王烜自記

序

蘭州俊華印書館排印

丁

蘭州俊華印書館排印

續修書錄小元身

一



靜寧州志目錄

卷首

自序

凡例

圖

表

第一卷

疆域志

沿革

蘭州俊華印書館排印

目錄

蘭州俊華印書館排印



道里

形勝

山川  
渠泉溝岔坪峽洞附

里衛  
鎮堡附

第二卷

建置志

城池

官署

儒學  
書院附

docsriver 文川网  
入驻商家 古籍书城

在文川网搜索古籍书城 获取更多电子书

倉貯

驛遞

兵防

堡砦  
城梁附

雜置

壇廟  
寺觀附

第三卷

賦役志

地丁

蘭州府志

目錄

蘭州俊華印書館排印

鹽課

雜稅  
水磨市集附

更名

三衛

戶口

風俗  
月令附

物產

典禮

第四卷

官師志

宦蹟  
有目

名宦

循卓

第五卷

選舉志

科甲  
武附

貢士

監生

吏員

第六卷

人物志

鄉賢

遺獻

孝行  
附孝婦孝女

節烈

命婦

地封

儀賓

恩蔭

鄉飲

第七卷

藝文志

文

詩

詞

第八卷

青溪伊寧州志卷首

目錄

蘭州俊華印書館排印

雜集志

古蹟

古墓

遺事

兵戎

祥異  
蠲賑附

瑣記

瑣談

安定監



仙釋

仙釋

目錄

蘭州俊華印書館排印

續修青寧小志目錄

十一

靜寧州志目錄

終

參閱

學正王錫年喬生 邵陽

訓導張正卿臺弼 寧羌

吏目程 淮禹工 大興

金之騏名標 錢塘

監生王 燾象虞 歸安

學生朱 緇遴書 歸安

參訂

貢生馬一熊應兆 靜寧

續修靜寧州志卷之三

姓氏

一一一

蘭州俊華印書館排印

拔貢趙爲卿紹蘭 靜寧

全校

舉人閻 謐寧之 靜寧

貢生于元鯤兆鵬 靜寧

貢生何呈璽映琮 靜寧

學生李蔚宮錦章 靜寧

學生王 懺靜思 靜寧

學生江自嵐騰百 靜寧

監生王之鈞會九 靜寧

靜寧州志卷首

凡例

一凡志之體裁有二舉其要會運以議論此史家斷制之體康對山武功志是也直序其文粲然明備議論另列其間此史家編記之體今各省通志是也作述義殊其爲仕人之取資則一耳是編一倣通志體裁而條目則簡而約之其文則以黃志爲本而參酌於

國初李公志庶幾可以續前賢而俟後人之更定焉

一疆域建置二篇重加考訂詳悉備記其沿革之無誤則悉遵黃志如李志以通遠軍爲州地今按鞏昌府志云元魏爲隴西南安二郡隸渭州宋熙

凡例

蘭州俊華印書館排印

寧五年置通遠軍屬秦鳳路李志以德順爲渭州因譌通遠軍旣屬渭自當在德順而不知鞏昌亦隸渭州也德順軍止隸渭州非爲渭州也此李志遺誤之大者今據黃志悉爲較正疆域始清矣

一賦役志據乾隆甲子年奏銷冊爲定嗣後或有增損應俟後人重訂爾

一風俗月令似宜分條然民間農圃作息以及冠婚喪祭之間俱因時移易詳風俗所以詳月令也

一名宦外有循卓及鄉賢外有遺獻亦變例也俱有論註本條前

一監生止錄其已登仕籍者有論附見於本條

一人物事業功名不無大小之異然敘列前後朝代不可紊也前志以事功

docsriver 文川网  
入驻商家 古籍书城

在文川网搜索古籍书城 获取更多电子书

之大小列人物之先後殊失倫次今依代數敘列之庶位置宜而人心安矣

一節烈據前志開載二十七人暨三十年來續舉一十九人俱未經題請旌表似可不必鑄入然川嶽正氣時在人間雖深山窮谷之中不無堅貞不拔之操祇以身處窮簷稱揚無路遂致柏舟之風沉埋黃土良可惜也今並入之庶幾表幽德而作閨範焉

一古蹟陵墓前志載入疆域今編入雜集

一安定監已歸通渭似不必志然曾隸靜寧不可沒却今錄存其略附之終篇卽主山歸華亭而仍入靜志例也

凡例



一志有藝文所以載記事實點綴風土非嘲風弄月之比自明迄今詩文若干首凡有關於地方有裨於政治者並錄之餘不濫入

一明志散失無存止有順治間李公舊志藉以考核人物質證事實州士王之鈔呈閱可謂能守先籍者而採輯三十年來前賢事蹟則州士馬子一熊趙子爲卿二君與有勞焉